

Чик хаалгъ

Шимтӓ ӧвсн кӧкрдж ургъсн Манц голин кецин ташуд идшлдж йовх хош хӧӧнӓ ард, гиигн ахр гирлгӓн гартан бӓрсн, плащта кӱӱкн хӧӧдӓн аргъул ӱрвӓд туудж йовна.

Люба Орехова — Яшалтинск района 383-ч номертӓ совхозин ах хӧӧч Худяковин бригадт ордж кӧдлӓд ӧрӓл джил болв.

Ямаран киитн шуургъта ӧдрмӱд болв чигн кедж йовх кӧдлмштӓн ӱнн седклӓн ӧгч, хӧӧдӓн хӓлӓнӓ.

Люба давсн джил 10-ч класс чилӓчкӓл, Худяковин бригадт хӧ хӓрӱллгънд ирдж кӧдлджӓнӓ.

— Хойр-гурвн джилин эргцд хӧӧчӓр кӧдлдж, эн кӧдлмшин дамшлтиг сӓӓнӓр меддж авчкад, эврӓннь дурта ирх цага профессӓн шӱӱдж авч, институтд оч сурнав, — гидж Люба келнӓ.

Цуг арвдгч класс чилӓсн сургъульчнр Любагъас ӱлгӱр авх зӧвтӓ.

А. БУЛАНКИН.